

Enfin, quelques Sauvages prièrent les Peres de se retirer, ce qu'ils firent, & cette superstition diabolique fut arrestée pour ce coup là.

Les François ayans appris l'affront qu'on auoit fait au Pere à leur porte, s'alterent. Monsieur de Chanflour commandant aux Trois Riuieres, fait venir ce Capitaine, pour tirer satisfaction, contre la priere que le Pere luy faisoit, de ietter tout cela dans l'oubly; comme ce Barbare est subtil & rusé, il trouua fa deffaite, il auoïa bien qu'il auoit ietté des cendres sur le [111] Pere, & qu'il estoit tout prest d'en recevoir autant pour reparation de sa faute; mais pour le cordeau que j'ay pris en main, faisoit-il, ce n'a iamais esté ma pensée de lier le Pere, beaucoup moins de l'êtrangler: mais comme il me reprochoit que ie faisois mourir les Sauvages par mes forts, & que ie luy reprochois dans ma cholere, qu'il les faisoit mourrir par les prieres: j'ay pris vn licol pour luy monstrier, que si nous disions tous deux vray, que nous meritions tous deux la mort; d'auoir attenté sur sa vie, c'est ce qui n'est iamais entré dans ma pensée: la catastrophe de cette tragedie fut, que ces beaux Medecins ne purent iamais guerir leur malade; voila vne partie des bourasques & des tempestes qui font arriuées cette année en diuers temps, aux Trois Riuieres: Ces épines n'ont pas empesché la naissance des roses, presentons en quelques vnes sur l'autel de nostre Seigneur.

L'Eglise qui commence à naistre en cette Residence, estoit composée de quatre-vingt Neophytes, au mois de Ianuier; ceux qui sont capables d'instruction, viennent [112] tous les iours vne fois à la Chapelle, pour entendre la saincte Messe; les medi-